

naata toa, e ere te Tavana e te haava; o tei hiharo i te hoe hohoa o tei-
eei vaa, aufau mai ia e
farane no na avae'etoru.

Faaau mai ia Tepito te neu
nei parau i Papeete.

Ei haaparare raa i te parau rii api e faufaa hia i to-
te mau fenua i roto i Hau Tamaru; e neia i te mau mahana maha toa

TE VEA NO TAHITI,

O te feia hoo taoga, e te ma-
laata e haapao i te ta-
raa taoga, e tia ia ia neu e
atoa hia ta ratou mau pa-
rau faaite i roto i reira
'ea, ia aufau mai ratou
i farane no te reni hoo.

Faaau mai ia Tepito te neu
nei parau.

PAEAU PARAU O TE HAU.

FAATOROA RAA.

Te Tomana o te Nuu, te auvaha o te Emepera
i te mau fenua Totaiete, te Tavana no te mau
fenua farani i Oceania.

Te faaue nei:

Ua faatoroa hia o Adam Kulczycki (oia hoi A-
tamu) ei raatira no nia iho i te fare toroa no te
pae parau tahiti.

E aufau hia tu nana te taoga i haapaohia no te
reira toroa, e i te mahana hoe no Titema e rave
ai oia i taua toroa ra.

E nenei hia teienei faaue raa i te vai raa pa-
rau no te hau, e i te Vea no Tahiti nei.

Papeete, te 30 uo Novema 1854.

Te Tavana, te Auvaha no te Emepera,
Papahia : Du BOUZET.

No te faatia raa a tona hanahana te Arii vahine
o te mau fenua Totaiete, e te Tavana, te Au-
vaha o te Emepera.

Ua faatoroa hia o Mauore ei mutoi no te ma-
taeinaa ra no Papara, ei mono ia Tuani tei faa-
ore hia te toroa.

Ua faatoroa hia o Teupo ei mutoi no te mata-
einaa ra no Papara, ei mono ia Teuri, tei faaore
hia te toroa.

E aufau te Tavana, te Auvaha o te Emepera
na teienei tau taata toroa ei utua no to raua to-
roa, i na farane, tai hoe banere e e piti ahuru i te
matabiti hoe.

No te faatia raa a tona hanahana Pomare, te
Arii vahine o te mau fenua Totaiete, e te Tava-
na, te Auvaha o te Emepera.

Ua faatoroa hia o Pito ei raatira mutoi no te
mataeinaa ra no Arue, ei mono ia Teaatoro, tei
faaore hia te toroa no te haapao ore.

E aufau te Tavana, te Auvaha o te Emepera
na teienei taata toroa, ei utua no tona toroa, i na
farane hoe hanere e vau ahuru i te matabiti hoe.

Ua faatoroa hia o Tunuu, ei mutoi no te ma-
taeinaara no Arue, ei mono ia Maimaro, tei faa-
ore hia te toroa no te haapao ore.

E aufau te Tavana, te Auvaha o te Emepera
na teienei taata toroa, ei utua no tona toroa i na
farane hoe hanere e piti ahuru i te matabiti hoe.

E papai hia te hohoa o teienei mau parau toroa

i te hiopoa raa, e i te fare toroa o te ee.
Papeete, te 1 no Titema 1854.

Te Arii vahine o te mau
fenua Totaiete.

Papahia : POMARE.

Te Tavana, te Auvaha
o te Emepera.

Papahia : Du BOUZET.

I te mahana maha, te 30 no novema, i haa-
putuputu ai te Auvaha o te Emepera i te mau ta-
vana 'toa no Tahiti e Moorea i roto i te fare
hau. I na mahana hoi i mua e to ratou poro raa
hia 'tu e e haere mai, e ua huru hope roa hoi
ratou i te tae mai, mairi atura ra hoi tahiti pae,
no te mea, e ua rahi roa tei taua na mahana ra.

Ua farau atu te Tavana ia ratou e, ua hinaaro
oia i te ite maitai atu ia ratou, e i te ao rii atu ia
ratou, a reva tu ai i Nu Caledonia.

Ua faaite atu oia ia ratou i te tia raa ia haa-
pao papu i te paeau o te faaroo, te haapao mai-
tai, e te auraro papu i te ture, no te mea, o na
ravea anae ia e faatupu i te haapao maitai e te ru-
perupe raa o te fenua; e ua ao atu oia ia ratou e
e faa'iro ia ratou iho ei hio raa maitai na te taata
'toa, i te haapao raa i te ture o te fenua nei.
Toopiti o na Tavana mataeinaa tei pahono mai i
taua parau a te lavana ra, i te faaite raa mai e,
e tamata ratou atoa i te faatupu i roto i to ratou
mau mataeinaa i te hinaaro rave ohipa, e te haa-
pao maitai.

I mua e i to ratou reva raa, ua paraparau tai-
hoe atu te Tavana ia ratou, no te mau ohipa e
au ia rave hia i roto i to ratou mau mataeinaa, e
ua faaite atoa 'tu ia ratou i te Tomana e mono
iana i tona moe e raa.

PARAU FAAITE.

Te faite hia tu nei to Tahiti e Moorea, e mai
te mea, e taoga ta ratou i hinaaro i te haponi i te
faaite raa rahi taoga i Pari, mai tei faaite hia tu i
roto i na VEA no na tapati i oti aenei, e haponi
mai ia i Papeete nei, i mua ae i te mahana hoe
ahuru ma pae no Titema, oia hoi teienei avae.

Te faaite atoa hia tu nei hoi te taata toa, e ei
te mahana hoe ahuru ma pae no teieneiavae, no
Titema nei, e haaputuputu ai te komite no tepa-
pai raa fenua i Papara, e ei te reira mau mahana
e hamata hia i taua ohipa ra i reira. Ia ite te feia
fenua toa, e ia putuputu i reira i taua mahana ra.

I roto i te *Ve*a no te mahana 14 no telepa, numero 39 ua nenei hia te hoe maa parau no te haamaitai raa tia e o tei titau hia mai na roto i te velahi mau ani raa, no te mau haapao raa no te fare tapea raa e te rave raa ohipa o te mau vahine faautua hia no te taero ava, I te huru mau i faatia hia i, e haapao pahu hia ia ia, ia oti taua fare ra e te mau ohipa toa no taua vahira. I teienei ra e tae noa tu i te oti raa; ei faaore i te peapea e tupu mai no roto i te parahi raa i Papeete nei o te reira mau vahine faautua e raverahi, e hoi faahou i te mau ture e te mau faaue raa tahito o tei faaite mai i te mau utua a te mau vahine. E i teienei, te mau vahine faautua toa, e ere to teienei mataeinaa i Pare nei, ua faaue hia ia e haere ana i to ratou ra mau mataeinaa, e tutu i te ahu, e haune i te hei e e rarea i te pia, mai te au i te ture. Ua haapao hia te mau tavana, te mau haava e te mau mutoi, ei hiopoa ia ratou, e ia rave taua mau vahine faautua ra i ta ratou mau utua e mai te tauturu ore hia tu. E ore atoa e tia i teienei mau vahine ia haere e, ei to ratou ra mau mataeinaa parahi ai, e oti noa tu ta ratou mau utua.

E no te haapao pahu raa tu i te irava 4 o te ture 5, 15 mahana i te rave raa i te ohipa te utua a te mau tane ia faautua hia no te taero ava i Tabiti e moorea, e ta te mau vahine ra, hoe ia umi ahu, e aore ia hoe umi pia, e ia piti ae hoi utua mai te mea, i te mahana tapati te rave raa hia taua hara ra.

Te mau taata toa i faautua hia ra, ei to ratou ibora ia mau mataeinaa rave ai i ta ratou mau utua, area te moni no te auri, ei te mataeinaa ia i tapea hia ratou ra, e aufau ai.

Te hinaaro nei te tavana, e na te rave itoito maitai o te feia utua i ta ratou mau ohipa, e te hiopoa maitai raa a te mau tavana e te mau mutoi e faaore i teienei anota i mua nei, i te hoi faahou raa i te ravea faarahi raa utua, tei rave hia aenei, no te faatau o te feia faautua hia, e te hiopoa raa ino o te mau mutoi.

Ua haapao hia te mutoi ra o Faaraoa ei rave noa'e i teienei i te toroa raatira mutoi no Pa-

peete nei, ei mono ia Pihatai, tei tapea hia mai te toroa, no te faarahi raa i tona mana tia ore i te rave raa i tona toroa.

Ua tapea toa hia mai te toroa o na mutoi ra o Avaepii e Huarepo.

Ua faaite hia i roto i te hoe niupepa no California te hoe parau iriti hia mai no roto i te hoe niupepa e, tei parau hia *Echo du Pacifique* e niupepa farani no ana Francisco no te mahana 13 no atopa. E 31 taata i pohe roa, e 67 i putaputa noa no te nuu manua farani i teienei moana o tei haere i tamai i te mau fenua rutia; to te baratane ra, 111 i pohe roa e tei putaputa, ia amui hia ra 209 i pohe roa e tei putaputa i na nuu e piti; e 40 taata i paruparu i roto i te mau poti no te manua anai piti ra o la Forte, to te pahi ra o Eurydice 21, to te pahi ra o Obligado 21. I rotapu i te feia i pohepohe roa ra, ua faaite hia ia te ioa o te mau raatira ra o MM. Lefevre, no te pahi ra o Eurydice, o Gicquel, auro tautau no te pahi ra o Obligado, ia tae ia i uta i pohe ai, e o Bourrasset no nia i te pahi ra o Eurydice, i te oua raa tu i nia i te fenua te pohe raa. I rotapu i te feia i paruparu, ua faaite hia ia teio a o te mau raatira ra o MM. de Lacombe o Gicquel, auro tautau (e teina no te tahi i pohe), o Guerin taote, e o Coste auro tautau no nia ia Eurydice e piti atoa; e o Journal auro tautau no nia ia Obligado. Aore i faaite hia mai te mau ioa o te matero, e te mau faaehau.

Ua taio atoa hia hoi i roto i te hoe niupepa o *Daily Alta California* no te mahana 12 no atopa: I te mahana monire i oti aenei, ua taihaa hia te reva o te atimarara o Fehvrier-Despointes, te tomana rahi i nia iho i te nuu manua baratane e farani i te Moana Patitifa, i te pa i Meighs Wharf. I te poipoi ae, i te hora iva mau ua faahoi hia taua taihaa ra e te pahi o te atimarara o la Forte.